



**Kenyataan Media
(Untuk Siaran Segera)
Khamis, 7 September 2017**

KEMALANGAN YANG MELIBATKAN SKUAD BERBASIKAL LEBUHRAYA PARA NEGARA DI KM12.5 (ARAH TIMUR) LEBUHRAYA LATAR

KUALA SELANGOR – Lebuhraya KL-Kuala Selangor (LATAR) hari ini merujuk kepada kemalangan yang melibatkan pelumba skuad berbasikal lebuhraya para negara yang berlaku di KM12.5 (arah Timur) Lebuhraya LATAR pada jam 10.36 pagi.

Terlebih dahulu pihak LATAR melahirkan rasa simpati yang amat sangat terhadap mangsa-mangsa kemalangan tersebut. Difahamkan empat orang pelumba kebangsaan, (dua orang atlet yang mewakili pasukan paralimpik dan dua orang atlet normal sebagai pilot) berserta seorang ketua jurulatih terlibat dalam kemalangan yang dipercayai dilanggar lari pada kejadian pagi tadi.

Sejurus kejadian, Pasukan Ronda dan *Emergency Response Team* LATAR telah bergegas ke tempat kejadian dan berusaha memberikan bantuan kecemasan kepada mereka dan mengawal lalulintas, sebelum pihak ambulan dan polis tiba bagi bantuan kecemasan. Kesemua mereka telah dikejarkan ke Hospital Sg Buloh untuk rawatan segera.

Sehubungan itu, pihak LATAR akan memberi kerjasama yang penuh kepada pihak polis dalam menyalurkan apa jua jenis bantuan yang diperlukan oleh pihak berkuasa dalam membantu siasatan kes kemalangan tersebut.

Pihak LATAR juga ingin mengingatkan kepada orang ramai tentang larangan berbasikal di lebuhraya sejajar dengan penguatkuasaan yang dilaksanakan oleh pihak kerajaan.

Pihak LATAR berharap agar kejadian seperti diatas tidak akan berulang lagi dan kami berharap agar kesemua pelumba pelumba yang terlibat akan selamat dan dapat meneruskan misi negara. Marilah kita sama sama berdoa untuk mereka.

Lebuhraya KL-Kuala Selangor (Lebuhraya LATAR)

Untuk keterangan lanjut, sila hubungi Surati Sujor (013-2660207) / Hairunnisa Kastolany (012-6881587).
